

Visoki predstavnik stvara osnov za uspostavljanje javnog reda i mira u cijeloj Federaciji

Visoki predstavnik, Wolfgang Petritsch, donio je sinoc i jutros pet odluka ciji je cilj stvaranje osnova za uspostavljanje javnog reda i mira na podrucju cijele Federacije. Pomenuti set odluka rezultat je pomne analize cjelokupne situacije u Federaciji nakon dogadjaja koji su pratili uspostavu hrvatske "samouprave" i imenovanje privremene upraviteljice Hercegovačke banke.

Visoki predstavnik smijenio je ministra unutarnjih poslova Kantona 7, Dragana Mandica, suspendovao tri zvanicnika Ministarstva unutarnjih poslova i ovlastio kantonalnog tuzioca i Kantonalni sud u Sarajevu glavnom gradu Federacije Bosne i Hercegovine za provodjenje istraznih postupaka, krivicno gonjenje i sudjenje a u vezi sa proslomjesecnim incidentima koji su ukljucivali nasilje i zastrasivanje.

Dragan Mandic prekrasio je Daytonski mirovni sporazum time sto je 3. aprila potpisao deklaraciju lojalnosti takozvanom "Hrvatskom narodnom saboru", koji je nelegalno i neustavno tijelo, kao i time sto je u toj istoj deklaraciji porekao ingerencije legalnih federalnih institucija. Time je gospodin Mandic postao ucesnik neodgovornog pokusaja narusavanja ustavnopravnog poretka u Federaciji Bosne i Hercegovine. Pored toga, gospodin Mandic nije upotrijebio svoje ovlasti i utjecaj kako bi zaustavio ozbiljne nemire do kojih je doslo 6. aprila u Mostaru. Smjena gospodina Mandica stupa na snagu odmah, uskracuje mu se pravo na dalju naknadu za obavljanje dosadasnje funkcije i zabranjuje mu se obavljanje svake javne,

izabrane ili imenovane funkcije.

Nadalje, visoki predstavnik suspendovao je Ivana Djogica, sefa Kabineta ministra unutarnjih poslova Kantona 7, Branku Dadic, sefa sluzbe za pravne, kadrovske i administrativne poslove u navedenom Ministarstvu, i Zvonka Prskala, zamjenika sefa Finansijske sluzbe istog Ministarstva. Kao i gospodin Mandic, i ova tri zvanicnika su 3. aprila potpisala deklaraciju lojalnosti takozvanom "Hrvatskom narodnom saboru". Kako bi se omogucila sveobuhvatna istraga o pocinjenim radnjama i, u prvom redu, utvrdilo jesu li navedenu deklaraciju potpisali pod prinudom, tri navedena zvanicnika suspendovana su na pocetni period od 30 dana tokom kojeg im je zabranjeno obavljanje bilo koje javne, izabrane ili imenovane funkcije. Njihove suspenzije ostace na snazi i nakon isteka tridesetodnevnog perioda ukoliko ih visoki predstavnik ne obavijesti o suprotnom.

Potpisavsi deklaraciju, gospodin Mandic i tri suspendovana zvanicnika doprinijeli su izazivanju gradjanskih nemira, nepostivanju uspostavljenih organa vlasti i narusavanju javnog reda i mira. Takvi postupci ozbiljno ugrozavaju provedbu Daytonskog mirovnog sporazuma.

Na kraju, visoki predstavnik je kantonalnom tuziocu i Kantonalnom sudu u Sarajevu glavnom gradu Federacije Bosne i Hercegovine povjerio nadleznost za provodjenje istrage, krivicno gonjenje i sudjenje zbog radnji poticanja nasilja i zastrasivanja koje su pocinjene tokom proteklog mjeseca u Federaciji Bosne i Hercegovine, kako bi time osigurao provodjenje pravednog, efikasnog, blagovremenog i sveobuhvatnog sudskog postupka. Pomenuta krivicna djela ukljucuju sljedece:

- krivicno djelo nasilja pocinjeno 6. aprila u Mostaru, Grudama, Medjugorju, Sirokom Brijegu, Posusju i Tomislavgradu a u vezi sa uspostavom privremene uprave nad Hercegovackom bankom,

- podmetanje eksplozivne naprave pod automobil 10. aprila u Sirokom Brijegu,
- krivična djela kao što je zastrasivanje i nasilje usmjereno protiv osoba, imovine i javnog mira, počinjena u znak podrške takozvanoj hrvatskoj "samoupravi" u Federaciji, i
- krivična djela narušavanja ustavnopravnog poretka u Federaciji Bosne i Hercegovine.

Donesena Odluka ne zadire u nadležnost Vrhovnog suda za rješavanje odredjenih krivičnih djela navedenih u Zakonu o Vrhovnom sudu Federacije. Ta djela koja, između ostalog, uključuju i terorizam, međukantonalni kriminal i organizirani kriminal i dalje ostaju u nadležnosti Vrhovnog suda.

Svi općinski i kantonalni tužioci i sudovi koji bi inače bili nadležni za provođenje istrage, krivično gonjenje i sudjenje za krivična djela pomenuta u Odluci visokog predstavnika obavezni su postupiti u skladu sa Odlukom i, ukoliko su već počeli rad na tim slučajevima, proslijediti ih kantonalnom tužiocu ili Kantonalnom sudu u Sarajevu. Svi organi za provođenje zakona dužni su pružiti pomoć kantonalnom tužiocu u Sarajevu.

Pri donosenju pet pomenutih odluka, visoki predstavnik iskoristio je svoje ovlasti koje su mu date prema Aneksu X Daytonskog mirovnog sporazuma i zaključcima sa sjednice Vijeca za implementaciju mira održane u Bonnu u decembru 1997. godine. Odluke stupaju na snagu odmah i biće bez odlaganja objavljene u Službenim novinama Federacije Bosne i Hercegovine.